

金石萃編

金石萃編卷九十四

賜進士出身 誥授光祿大夫刑部右侍郎加七級王相讓

唐 五十四

悟臺銘

石高八尺三寸廣四尺五寸十五
行行十六字篆書在祁陽縣悟溪

悟臺銘

河津元結字仲山撰

洛溪東外廿餘寺得悟石焉

於三四自步訓未昌坐尹南涯

驛毛紉左屬回鮮肯並澄道高

凡九十尺下崗洞濶其勢阨隘
半山溪底蒼翠沍沍杜波上戶
顛勢畢止巔悉爲高堂小峯巖
巖空閑松竹掩映軒戶畢間幽
奇於巖古入可富憐閑終病於
時俯首力不終藉高臺可瞻眺
彫 山巔濤畔脰頸歌吟可自
陽輝今與茲戶相爲崕臺蓋非
愁怨之所好也銘曰

湘源清澗崕臺陟陟豈關奇聖

韓談不盡辭於朝亦歸南河
陪君山臺臺鄉也日陽崖
如璫如珉此銘刻山彰不
可唐亦錄式年歲考个未
十八日刻

釋文

崑臺銘

有序

河南元結字次山撰

浯溪東北廿餘丈得怪石焉周行三四百步從未申至
丑寅涯僻斗絕左屬回鮮前有磴道高八九十尺下當

洄潭其勢礚礚半出水底蒼然泛若在波上石顛勝異之處悉爲亭堂小峯嵌竇宜閒松竹掩映軒戶畢皆幽奇於戲古人有畜憤悶與病於時俗者力不能築高臺以瞻眺則必山顛海畔伸頸歌吟以自暢達今取茲石將爲嵒臺蓋非愁怨乃所好也銘曰

湘淵情深嵒臺峭峻登臨長望無遠不盡誰馱朝士羈牽局促借君此臺壹縱心目陽崖翬琢如瑾如珉作銘刻之彰示後人

有唐大曆二年歲次丁未六月十五日刻

右斯人之作非好古者不知爲可愛也然來者

無同好也邪

集古錄

元結次山撰嵒臺銘見歐陽永叔集古錄中次山凡文多從顏尚書真卿李學士陽冰索書此篆書不知陽冰作者或自作之次山於文爾雅然不能高而愛身後名其銘亦類是昔杜襄陽碑峴首一絕頂一深澗曰吾懼千秋之後之陵谷也嗚呼古人之於名如

此

弇州山人四部稿

嵒臺銘元結撰篆書大歷二年浯溪銘元結撰瞿令問篆書大歷三年唐亭銘元結撰瞿令問篆書大歷三年右三銘並在祁陽縣元次山愛祁陽山水遂寓

居焉名其溪曰浯溪築臺曰嵒臺亭曰磨亭所謂三
吾者也臺銘刻在臺之後甚完整溪銘亭銘刻於東
崖石上隨石欹斜蘇厚難搦而篆筆特佳視臺銘更
勝別有黃山谷書百餘字云與陶介石披榛翦穢得
次山銘刻喜而試之又有皇甫湜五言古詩一首次
山之子讓五言長律一首

金石文
字記

右唐嵒臺銘黃山谷云溪銘季康篆亭銘江華令瞿
令聞篆惟臺銘篆書無姓名又云以字云觀之亦季

康篆也

金石
存

右嵒臺銘次山尚有浯溪磨廬二銘皆瞿令聞篆書

以地僻藪厚難搦惟此銘世多有之雖不著書人姓名當亦令問筆也李少溫名陽冰本取木華海賦陽冰不治之義其兄澥字堅冰皆冰霜之水也而少溫書名亦從俗作冰蓋由楷書借冰爲久相承已久章奏告身既用冰字篆書不便更易故爾

潛研堂金石文跋尾

按嶠臺之嶠字與唐亭之唐字皆不見于說文臺與亭似因涪溪得名則字體亦出次山新意爲之凡水之以涪字得名者有三說文涪水出琅邪靈門壺山東北入濰此別是山左之涪水若涪溪則在今湖南永州府祁陽縣在唐時屬江南西道永

州零陵郡又今福建泉州府有浯江見陳懋仁泉
南雜志蓋同一浯字地分三處異其名也方輿紀
要浯溪在岐陽縣南五里山溪諸水匯流于此稱
爲奇勝流入湘江唐元結自道州歸愛其山川家
于此今浯溪摩崖碑結所撰中興頌也而獨不及
岢臺銘及浯溪唐亭二銘殆椎搨者所不易到耶
碑題河南元結字次山撰新唐書元結傳舊書無結
後魏常山王遵十五代孫以討賊功遷監察御史
裏行佐荆南節度使呂誣判府事又參山南東道
來瑱府瑱誅攝領府事會代宗立固辭丐侍親歸

樊上授著作郎益著書作自釋曰河南元氏望也
結元子名也次山結字也云云拜道州刺史進授
容管經略使母喪請留加左金吾衛將軍罷還京
師卒贈禮部侍郎傳所載歷官止此其官道州刺
史不詳何年玩傳語是代宗卽位後之事自宋吳
曾以下多言次山愛祁陽山水遂寓居焉顧祖禹
則云自道州歸愛其山水家于此傳不言結寓居
浯溪而末云罷還京師且此碑銘序亦無家居之
語則非家于浯溪者顯然据次山築次山營僦居
瑞昌之瀼溪上因自號瀼溪居士有詩云尤愛一

溪水而能存讓名則次山所居者溪溪也溪在今
江西九江府之瑞昌縣與永州隔遠惟其官道州
時或是愛浯溪山水常來登眺因而刻銘刻頌蓋
道與永相距不遠也顧氏諸說殆沿舊志之訛銘
文篆書無姓名銘中書體不合六書者如涯嵌銘
三字皆徐鉉說文新附字涯當作厓嵌當作嵌見
集韻銘當作名春官小祝注今書銘或作名既夕
禮士喪禮注竝云今文銘皆作名是其證也峯借
二字亦徐氏所補鈕布衣樹玉云峯疑封之俗字
漢書司馬相如傳云歷封巒又云論以封巒義雖

不同或後人本此作峯耳封亦有高義漢書西域
傳出封牛師古曰封牛頂上隆起者也集韻峯或
作峯又與封之古文圭形相近也借當作藉抑詩
借曰未知漢書霍光傳引作籍曰又趙充國傳遣
使至匈奴藉兵師古注藉借也司馬相如傳乃著
書藉蜀父老爲辭師古曰藉假也溪磴礧礧皆俗
字又銘文云三四百步百字竟書作自亦所未詳
金石文字記云別有黃山谷書百餘字又有皇甫
湜元讓二詩山谷書詩并序爲中興頌碑作見後
卷湜讓二詩則未見搨本

王訓墓誌

石高二尺六寸四分廣二尺四寸二十二行行二十三字正書

大唐故光祿卿王公墓誌銘

并序

前祕書監嗣澤王憲撰

并書

公諱訓字訓瑯瑯臨沂人也

永穆大長公主之

中子昔周文授圖靈王纂膺誕我太子晉晉有儀鳳之

瑞瑞流子孫粵王氏焉爲異姓首

曾祖知道

皇贈魏州刺史祖同駿皇光祿卿駙馬都尉贈太

子少保尚定安長公主父絳皇特進太子詹事駙

馬都尉贈太傅尚永穆長公主龍種鳳鸞長淮

積潤文武閒出衣冠寔繁諸諫稱之豪族鍾鼎傳于不朽
公文備四教學通六藝博聞雅量厚德高明三歲
尚輦奉御四轉至光祿卿早季娶嗣紀王鐵城之季女
也夫人尋逝有女方笄生人之哀孤遺之極後尚博平
郡主癸卯歲居鄧州別業因中風疾遂還京師 公
主薨茲上藥竭以秦醫千巖萬瘵月衰日羸若使經方
有敬 公亦保合于永季矣嗚呼春秋冊一大歸二季
巳月癸巳奄終鳳樓之右 中使弔賻度僧尼以追

福 公主崩心震悼哀過禮經孝子郊柴毀骨立古
今未聞其季八月七日遷厝萬季縣澧川鄉澧川原之

禮也嗚呼生涯畢矣龜兆斯安青門始啓朱輅方引返
哺之聲絕矣倚門之望休焉銘曰

龍渠之右鳳城之東田原夾輔卜宅叶同 山開黃壤
地列青松萬古已矣千季寔封 多才多藝惟聰惟惠
如松之盛如川之逝 陵谷將平石記爰旌長懷令德
永頌英聲

右光祿卿王訓墓誌訓字訓光祿卿駙馬都尉同皎
之孫駙馬都尉繇之子唐書王同皎傳不載其名同
皎贈太子少保繇官特進太子詹事贈太傅亦史所
未及也史稱相州安陽人而碑云瑯琊臨沂人者舉

其族望爾宗室表嗣紀王澄初名鐵誠嘗從碑作城

爲是

潛研堂金石文跋尾

撰文者漣義珣之子見宗室世系表

關中金石記

誌言同皎皇光祿卿駙馬都尉贈太子少保今案史但云睿宗立詔復官爵而不及贈官誌言繇皇特進太子詹事駙馬都尉贈太傅尚永穆長公主史亦云繇尚永穆長公主而不及歷官皆于文略也史載繇生子潛今訓亦爲繇子訓娶嗣紀王鐵誠之季女攷宗室世系表澄初名鐵誠語合而撰誌者爲嗣澤王漣表惟書漣守光祿卿而已今誌仍有前祕書監亦

通所歷官則未之及宜依此互舉也

授堂金石跋

按碑稱訓爲瑯琊人而表不載訓之本支則不與表所列瑯琊者同系唐書王同皎傳稱爲相州安陽人必是同皎之先世遷居安陽又從安陽徙河北與表所列者異系而遷安陽之緣起碑傳皆未及詳也碑云曾祖知道皇贈魏州刺史兩唐書王同皎傳但云陳駙馬都尉寬曾孫而不載其父知道又云子繇尚永穆公主生子潛而不及訓傳稱潛元和中累擢將作監大和初檢校尚書左僕射卒據碑稱訓卒于大歷二年是訓卒甚早傳所不

及載也碑云訓早年娶嗣紀王鐵城之季女尋逝
後尚博平郡主而下文云因中風疾公主薨茲上
藥及奄終公主崩心震悼此公主卽謂博平前稱
郡主後稱公主所未詳也碑云遷厝萬年縣澹川
鄉澹川原長安志萬年縣不載此鄉名原名惟云
長樂坡在縣東北一十里卽澹水之西岸十道志
曰舊名澹坂隋文帝惡之改曰長樂坡疑澹川鄉
澹川原與澹水近也

會善寺戒壇牒

碑高四尺八寸三分廣二尺八寸八分作三層書上
牒二十六行行十六字中謝表二十四行行十字竝

正書下批答六行行四字
行書在登封縣會善寺

河南府登封縣嵩岳會善寺戒壇牒

清口東都白馬寺僧崇光敬愛寺僧口口

同德寺僧重進 奉國寺僧法口

香谷寺僧口恕惠深安州龍興寺僧口口

口河南副元帥黃門侍郎平章事王縉奏口安國寺僧

乘如口前件寺戒口口供奉大德一行禪師口故口壇

口口元同律師口口創造殿宇幽口口嚴淨受戒之

所洛城推最口口口淪殘墉院口涼更屬艱口口口

口口不有修葺口愧先賢望口前件口律僧七人住持

掃口有口口口口口建方等道場常講戒律口口口口口口安寧

中書門下 膝

殊奉 勅宜依膝至准

勅故膝

大曆二年十月十三日膝

中書侍郎平章事元載

黃門侍郎平章事杜鴻漸

黃門侍郎平章事王縉

兵部尚書平章事李使

檢校侍中李使

檢校右僕射平章事使

中書令使

沙門乘如口伏奉云十月十三日

恩命於河南府登封縣嵩岳口口常建戒壇兼抽口
律七僧灑掃講律者

湛恩自

天祖荷無地沙門乘如誠歡誠喜載欣載

躍嵩者口口之口戒者萬行之首非口口岑口口詣茲
希口會善戒壇口口口登其封口遺塵口口其受必
口口口比爲傾德口口口口毀觀者興黍離之歎口

之增涕殞之悲

陛下駐佛日之傾布堯雲之澤

抽僧灑掃設壇講律雷音永震更乎萬歲之口聖壽無疆
彌極九天之峻不任戴荷之至謹詣右銀臺門奉表
陳謝以聞沙門乘如誠歡誠喜謹言

大曆二年十一月口日安國寺沙門乘如上表

戒分律儀釋門宏範用申獎導俾廣勝因允在嚴持煩
於申謝

會善寺門之右有大曆二年中書門下牒其下勅代

宗手敕二十四字無一筆蝕者

袁宏道
嵩遊記

碑文在字本當作準宋周必大二老堂雜志曰敕牒

準字去十爲隹或謂本朝因寇準爲相而改

胡三省通鑑注

亦云本朝寇準爲相省吏避其名

凡文書準字皆去十後因而不改又云曾公亮蔡京

父皆名準而避其實不然予見唐告已作隹又考五

代堂判亦然頃在密院令吏用準字旣而作相又令

三省如此寫至今遂定今據大歷時牒已用隹字則

知此字自取省筆廣韻二字並收隹字下注曰俗然

管子書準字皆作隹莊子平中隹文子放隹循繩隹

南子眇者使之隹王褒洞簫賦夔夔隹法皆用此字

緯書有洛書靈隹聽京房造隹形如瑟十三弦郭忠

恕佩觿集曰字林用隹爲平準之準

字林呂忱作

而後魏

仇儒爲趙準造祇言曰燕當傾趙當續欲知其名淮

水不足

北史長孫肥傳

則淮字之來久矣又按宋順帝名準

故沈約宋書平準令王準之皆作淮然管莊諸書亦

豈因此而改乎

金石文字記

碑刻會善寺後僧苦於求揭凡石上會善寺三字皆

椎去棄之寺西荒草中傳太常物色得之仍立戒壇

之左又按書史稱代宗畱心翰雲於行書益工論其

筆力非有太宗元宗超邁之氣然亦有足觀者此數

爲行書矜嚴圓穩固自可珍

嵩陽石刻記

大歷二年十二月會善寺僧沙門乘如因請允抽束

都白馬等寺七人赴戒壇灑掃講律具表稱謝帝手
敕二十四字荅之碑陰刻陸長源戒壇記陸郢書八
分逍逸多態說嵩

劉昫唐書王縉傳云縉與杜鴻漸捨財造寺無限極
初代宗喜祠祀未甚重佛而元載杜鴻漸與縉喜飯
僧徒代宗嘗問以福業報應事載等因而啓奏代宗
由是奉之過當漢述其弊又云故大歷刑政日以凌
遲有由然也又云其傷教之原始于縉也今此奏牒
正是作俑之証劉昫良史防微杜漸之言豈不信而
有徵哉

中州金石記

按碑稱抽東都白馬寺僧某敬愛寺僧某同德寺僧某奉國寺僧某香谷寺僧某白馬敬愛見寺觀其同德奉國香谷三寺今不可考

河南府志

按會善寺牒頒于大歷二年十月十五日後列使相銜名前三人皆具姓氏曰元載杜鴻漸王縉後二人皆曰李使但有姓而無名又二人但有使字不著姓所謂使者大抵居相位而出使在外者也以唐書宰相表考之大歷二年但云六月丙戌鴻漸自劔南追至不載他人拜罷之事更追其前元載之同中書侍郎平章事寶應元年建辰月始也

杜鴻漸之爲黃門侍郎平章事始于大歷元年十二月其時卽兼成都尹充劔南西川節度副大使至二年六月自劔南追入朝也王縉之爲黃門侍郎在廣德二年正月然是年八月持節都統河南淮南淮西山東道行營節度使永泰元年爲河南副元帥此後不云入朝而牒則仍列其名不在使內其兵部尚書平章事李使者疑是澤潞節度使李抱玉爲司空兼兵部尚書乃廣德元年事檢校侍中李使者疑是河東節度使李光弼其官侍中始于乾元元年八月檢校右僕射平章事使疑是

朔方行營節度使僕固懷恩其官右僕射始于廣
德二年八月表作左僕射或訛也中書令使疑是
朔方節度使郭子儀其兼中書令始于乾元元年
八月碑中銜名可考者如是碑云謹詣右銀臺門
奉表陳謝以聞長安志禁苑內苑章載東內苑南
北二里與大明宮城齊東西盡一坊之地南卽延
政門北卽銀臺門東卽太和門不云右銀臺門据
元稹詩當年出入右銀臺每怪春風例早迴又李
商隱詩右銀臺路雪三尺鳳詔裁成當直歸是皆
有右字與碑合据碑右銀臺門可以奉表陳謝則

當時必設專司進奏之官而職官志無文殆史略也

三墳記

碑高六尺四寸四分廣二尺八寸兩面刻
共二十三行行二十字篆書在西安府學

光緒四年

曜卿字華名濟十也廟諱口樂易縣符郎
藏於肩牆家不誥諱李神顏植之口
藝博之口文於昭諱祖書正字授司儀
騎曹轉新口尉豪楊宋受立唐之口
禮澤嗣宋福本仁之口永山義領長安尉

直京師浩總口賊曹驚斬可立斷氣口
見氣在總督府郡戶楊賄古樂府廿四
草在史書良嗣爲上制文彙十卷

口卿字集不局琅琅德口文蔚譚度機
纖弱肩公卿口觀國莊嚴口虞鄉二府
魏字崔公沔相國曾公口口中秘第
上達等醫上營遊嵩山間山鍾賦云口
口醫也清鍾沸鼎火平於巨壑雷林易
秘止蘇問口口口未子詞入珍山轉金
城尉曹竊受誅吏不敢口口口口背於

終西

口卿中榮實東果立終終不瑕初家攀
靈昌呈簿乙丑歲川國宰李公彭季尚
其文翰留朝呂縉普滿沮支遊場却寄
墊醺濕樹苗吸之勝散下土淨潔上興
歲賦久斷于今賴止文彙百一十二篇
氣獻 二界對多曾閑展也文學繼

葉瑤瑤產也終固合章杞梓材也吳寧
主德寧受封福滿輸強仕以講陰堂未
烈一紀三墳相以思其歌嘯評以誦占

占商器機曰霸陵故瑩韓不諱禁周于
而家歲精提綱圖貞陽卜不祥 大墳
三墳以東南縣伯仲叔卿之爵屬於樊
大墳圖元上明季於新郭田和夫深藏
熊陸者沙防焉

李卿詠

陽城書

卓卷郭

釋文

先侍郎之子曰

曜卿字華名世才也學口樂易機符朗徹既冠遭家不
造諸季种藐植之以口藝博之以文行始調祕書正字

授右衛騎曹轉新口尉豪猾未孚立信以示之禮浮祿
未復本仁以示之義領長安尉直京師浩穰口賊曹繁
劇有立斷焉口見焉左遷普安郡戶祿賦古樂府廿四
章左史韋良嗣爲之敘文集十卷

口卿字萬天骨琅琅德口文蔚識度標邁弱冠以明口
觀國莅鹿邑虞鄉二尉魏守崔公河洎相國晉公口口
甲科第之進等舉之嘗遊嵩少夜聞山鐘賦云口口繼
也洪鑪沸鼎火半死巨谿重林風稍止無聞口口口未
已詞人珍之轉金城尉曹無受謝更不敢口口口口卷
行於世

口卿字榮寬栗柔立於穆不瑕起家拜靈昌主簿己丑
歲小冢宰李公彭年尚其文翰署朝邑簿時漆沮決溢
馮翊昏墊醜渠榿苗股祀脉散下土得漑上腴成賦人
到于今賴之文集百一十二篇烏戲 三英孝友曾閔
傳也文學繼 業璿碧產也純固含章杞梓材也昊穹
生德宜受封福僅逾強仕以講陰堂未盈一紀三墳相
比思其咎職訊之逢占占者邵權曰霸陵故塋葬不違
禁害于而家歲攝提格廼貞陽卜而祔 大墳三墳以
東南爲伯仲叔馳之若鴈行終大曆建元之明年於斯
刻石恐夫溟海爲陸老沙防焉

季卿述

陽冰書

栗光刻

按此碑爲李曜卿兄弟三墓其人皆有文學早仕宦而不壽以歿最少弟季卿撰表而宗人陽冰以玉筋刻之也其石猶故物故無傳改之譌

并州續稟

此季卿表曜卿三墓陽冰書碑雖無翻刻字字畫法具而神亡似與前碑同陽冰顏魯公家廟碑書作陽

冰

石墨鏤華

元吾邱衍謂陽冰卽杜甫之甥名潮取海賦陽冰不冶之義爲字旣以字行乃別字少溫楊用修嘗辨其非

按陽冰趙郡人太白從叔其字少溫見於宣和書譜與其名相應若名潮而以陽冰少溫爲字於義

皆無取且陽冰工篆書潮江八分觀趙氏金石錄載
城隍神祠記忘歸臺銘孔子廟記先塋碑三墳記等
爲李陽冰篆書而慧義寺彌勒像碑彭
元曜墓誌爲李潮書則其非一人明矣今人讀陽冰

爲陽凝非也按文苑英華有林滋陽冰賦戴侗六書
故曰說文久凍也冰水堅也俗作凝孫氏魚陵切說
文蓋以冰爲凝按久於隸楷不能獨成文故後人加

水焉凝之从ノ从水無義當從今文

金石文
字記

篆書自秦漢而後推李陽冰爲第一手今觀三墳記
運筆命格矩法森森誠不易及然予曾於陸探微所
畫金滕圖後見陽冰手書遒勁中逸致翩然又非石

刻所能及也

庚子銷
夏記

右唐李氏三墳記李陽冰書與李氏遷先塋記同在
今西安府學皆大歷二年建先塋記有宋人重開歲
月此碑無有 說文禮從豐篆作豐豐篆作豐隸楷
皆同而篆文迥異陽冰上李大夫論古篆書云蔡中
郎以豐同豐秦丞相以東爲東魯魚一惑涇渭同流
此碑立信以示之禮禮字反若從豐何也古者官有
掾屬掾字從彖從手其從木者屋上椽也碑云左遷
晉安郡戶掾字乃從木二字不當通用蓋因字形近
下筆時偶誤耳不然陽冰不當使別字也又殷兕厥
散兕卽引字當是曲其直以取勢耳若從弓從巳則

無此字矣劉禹錫高陵令君遺愛頌有股引而東句

與此義同

金石存

文有云下土得漈者用宋玉九辯文也漈玉篇以爲卽古文乾字以講陰堂講從萑聲與搆字通史記漢書凡媮解字多作講亦是也谿字見魏張猛龍碑及周華嶽廟頌嵩少字應卽用崇見于漢書而竟作嵩劇甚字應用勛見于漢隸字原而竟作劇猾字應從允作煇而從犬作猾禮字應從豐作禮而從豐作禮徹字從青作徹斷字從斷作斷煇字作焯執字作藝昇字作昊皆其不合于六書之正者也又說文無第

字只作弟而孔穎達正義引以爲從竹從弟說文無
苙字只作隸故鄭康成注儀禮每讀位爲苙此竟有
第字苙字蓋後人隸寫之譌而以之作篆則尤謬也
關中金
石記

右三墳記碑末無重開年月而字畫更明顯筆力似
較弱蓋開鑿又在前碑之後也文云下土得漣上腴
成賦說文無漣字蓋用楚辭后土何時而得漣語又
云僅逾強仕以講陰堂後漢書周磐夢見先師東里
先生與講于陰堂之與旣而長歎其月無病忽終記
蓋用此事也吳當從奔而碑從天壑當從叙而碑從

裕疑翻刻之謬

潛研堂金石文跋尾

右唐李氏三墳記凡二碑中俱有半截裂紋第一碑左角斷闕下脚微闕凡全闕者十四字半闕而猶可辨識者七字末行吏不敢以後文氣未盡隱躍尚有八字右旁痕迹可辨者四字趙明誠金石錄祇載其目

碧溪文集

按記爲李季卿所述季卿在大歷中宣慰江南語見新唐書陸羽傳而未詳其先世所謂先侍郎者不知何名三墳惟長曰曜卿其名全次二人皆闕上一字兩唐書傳無曜卿等兄弟四人之傳下碑

栖先塋記又不復述三墳之名碑稱曜卿賦古樂府廿四章韋良嗣爲敘文集十卷次口卿游嵩少聞山鐘賦詩亦有集若干卷行世又次口卿有文集百一十二篇稽諸兩唐書經籍藝文皆不著錄全唐詩不載李曜卿而有李子卿李幼卿二人皆大歷間人此三墳皆卒于天寶十年以前其非此二人明矣碑爲從子陽冰篆書其不合說文者曜卿之曜當從火作耀而從日种藐之种依尚書當作冲而從禾豪猾之猾當從水作滑或從允作灋而從犬皆非也藝字亦說文所無徐鉉以爲俗書

譌謬不合六書之體本只作執後人加艸云義無
所取而碑中竟書作藝陽冰不講六書大率如此
其餘輒肇崇劇第苙等亦皆俗字已詳潛研閣中
諸跋不贅論焉

拙先塋記

碑高六尺八寸三分廣三尺三寸十
四行行二十六字篆書在西安府學

拙

先塋記

聖子鳳閣公蒼麟大弟獻壽家不誅

先塋記即世園塋碑陰讀令如先大

太師公高口簡系泉單關歲十有一

光夫入合禱不玷致元我止也
也夜間五六季仲也夜而四三季村也
夜周子曰李氏子不解其主而將其靈
盒謀及龜策謀及鬼禍懾方士詔權漏
獲管郭止譖皆曰霸岸繫靈密土地系
于濕界止禁北寧即彼室是用口叶
地其原屬桐筮止魂損三止醉三曰損
三醉緩吉觀昆馬圖口卜詔城左口口
司惟銘食於上澹水東樊水西來惟銘
會新上瑩連山南隆平嶠口口坤勢止

宣陽王順之伯氏仲氏叔氏三墳隔絕
攝提格章之仲旬口口靈輜以歸靈
藏之庶幾藏金玉帛帷帶書光華也
異昔歸口三百篇永壽中川宗伯賈公
至無之叙上澤乾幽明錫類口口
詔贈黃門侍郎昌命禮部尚書
口口清河郡內太口口口版未篆
皇命大壽惟二子郭卓石

嗣口口口錄

從子陽斌書

卓光郭

釋文

廼 先塋記

粵烏庠昔蒼龍大泉獻遭家不造

先侍郎卽世

建塋霸陵遺令也先大夫徐公高口備矣泊單閼歲十

有一月

先夫人合祔天瑤改元我之伯也卒閒

五六年仲也卒不四三年叔也卒君子曰李氏子天假
其才不將其壽盍謀及龜策謀及鬼神歟方士邵權徧
得管郭之道喈曰霸岸鑿龕客土耗矣干溫冥之禁非
窳窳攸宜是用口叶永地其原鳳廼筮之遇損三之解
三曰損孚解緩吉孰甚焉迺卜邵城左口口右惟茲

食枚卜澹水東樊水西亦惟茲食新卜瑩連山南佐平
峒口口坤勢之宜隧而順之伯氏仲氏叔氏三墳陪側
攝提格辜月仲旬口日 靈輻以降壽藏有恤無藏金
玉厥惟琴書 先志也異肯述口三百篇永泰中小宗
伯賈公至爲之敘 上澤悅幽明錫類口口追贈黃
門侍郎申命禮部尚書

口口清河郡太夫人口口版未篆 皇命大鑒惟
二刊刻貞石

嗣口口口述 從子陽冰書 栗光刻

是鉅唐李監陽冰書以其年代審遠風雨昏漬字

體不完讀者斯泥遂有吳興姚宗萼筆意率好古者
數人同出刊刻之費闕威安璿重開所貴名賢筆跡
傳諸不朽時大中祥符三年九月十四日畢功助緣
僧智全 僧審疑 僧省中 僧靜已 僧文遇
勾當人鄧德誠

此李氏卜葬李曜卿兄弟三人而弟季卿記從子陽
冰書卜地人爲邵權記云徧得管郭之道管謂公明
郭則景純也書玉筋經大中祥符間翻刻故不及繕

雲碑

石墨
鐫華

右唐李氏遷先塋碑經宋大中祥符間重開今復剝

落白清河郡太夫人以下文多不可卒讀 爾雅歲
在亥曰大淵獻此碑書作泉獻避高祖諱也唐兗公
頌碑亦書顏回字爲子泉客土垠矣垠字書不載
疑是耗字重開時譌末爲土也

金石存

陽冰書結體茂美而多乖于六書之義然蔡邕石經
已多別體豈書家多不究小學耶文中若寧從寀碑
作寧高從口

讀如

碑下口從口

口舌之口

甌碑作甌龕從

含碑省從合棲或作西碑合作栖樊中從爻碑從夕
佐古只作左碑加人岡碑譌作峒勢古只作執見漢
書碑加力宜從夕碑從冎隧古只作隊見竹書穆天

子傳碑作隧輒碑作羈藏古只作臧詩中心臧之先
儒有藏臧二義碑作藏悅經傳多作說碑作悅版加
作版皆詭于文字之正若泉作泉借洎字爲之改從
已借殺改字爲之寶作瑤案瑤字見竹書穆天子傳
玉篇引聲類亦曰古文瑤字此或古人省文借字之
法猶未大失也篆者聖人不虛作非可依隸以造昔
徐鉉作說文新附識者多譏其謬獨怪陽冰自言斯
翁之後直至小生又欲求刻石經立于大學而不究
小學如此倘任鴻都之役未見其勝于張參唐元度
諸人也

關中金
石記

右李陽冰書遷先塋記說文改更字从戊己之己殳
改字从辰己之己徐鉉引陽冰說謂己有過支之卽
改而此碑書改元字卻从己不从己秦詛楚文改亦
從己蓋二文可假借也垠字說文玉篇廣韻集韻俱
不載惟家語執轡篇息土之人美垠土之人醜注垠
耗字此少溫所本矣敘說文从支此與三墳記俱从
又泉卽泊字水當在左旁變文居下

潛研堂金
石文跋尾

按此碑述者名全泐石墨鐫華以爲季卿据三墳
記爲季卿述首稱先侍郎之子云云此碑亦有先
侍郎卽世之語則其同爲季卿所述固無可疑碑

云天寶改元我之伯也卒天寶以壬午年改元則
其前云蒼龍大淵獻是開元二十三年乙亥歲前
云先侍郎卽世又云先大夫徐公此先大夫未詳
何謂也下云單閼歲先夫人合祔是二十七年己
卯也伯之卒在合祔後四年又其後十年之間仲
叔俱卒卽前碑三墳者是也霸岸鑿龕客土垞矣
此是形家之言龕與堪通今俗用礪字太平寰宇
記滿岸在通化門東三十里霸崖鑿龕有傷地脈
此云客土形家謂之來龍也土垞則脈傷而藏
者體魄不安矣溫其之禁未詳以臆度之溫取室

閉而煖冥有幽冥之義皆謂墳穴也又云攝提格
辛月攝提格者寅年也當是壬寅年仲叔之卒在
天寶十一載壬辰又越十載爲寶應元年辛月十
一月也以壬寅十一月柩葬也碑云異時述口三
百篇永泰中小宗伯賈公至爲之敘此必是其先
侍郎所作之詩也唐書賈至傳至之轉禮部侍郎
正在永泰二年未改大歷之前惜不知其集名無
從考矣碑今在西安府學不知當時從何處移來
碑有其原鳳栖之語則其先塋在今咸寧縣鳳栖
原長安志云少陵西北三十里皆此原雍大記柳

宗元爲伯妣志曰葬于萬年之鳳棲原在唐時爲萬年縣安化里似碑當立于此處今碑移而墓亦不可考矣碑爲宋初威安縣重開而助緣者皆僧名想宋時李墓尚存墓旁當有僧寺爲之守護諸僧皆住寺者也

顏魯公祖關二大字

字徑三尺許隸書後有翁覃谿跋并七言古詩共二十三行行二十一字正書在吉安府

祖關

右祖關二字顏魯公八分書寺舊有魯公題名今惟存此二字耳青原志載汪舟次與寺僧書云祖作祖

非傳寫之誤必有原委寺僧荅云祖古作禪八分取以相配若此二字上石後落永泰年吉州司馬欵此山光千丈矣据此則今所傳木刻後有天寶十四年平原太守欵者訛也天寶稱載不稱年且如果是天寶年題則寺僧與舟次札內何以云欲落永泰年欵乎其爲後人妄加可知也但此二字實出魯公手魯公八分惟見東方贊題額未有如此之大者誠至寶也祖字作禪漢宗俱孔謙曹娥諸碑皆如此至於魯公題名年月則寶刻類編云魯公爲吉州別駕題名吉之淨居寺大歷二年十月題此其確可据者故爲

考其大略而系以詩西江魯公題石二其一丙午匡
廬陰此題明年孟冬月大書尚記黃李尋八分爰業
更雄峙勁勢獨出無古今後題不存存僅此始覺禪
境尤清深少陵雙峯得門否曹谿一滴誰嗣音後來
姚江講學派亦假題識青嶽峯宣城老子執陳迹未
會松竹高邱吟亦如寺僧與汪子商略補刻爭摹臨
世間忠孝真仙佛正氣耿耿留精忱森然魄動仰星
斗何必更訪東西林區區歲月那足較兩字已重千
球琳旌旗歌舞照千載文山黃李猶同岑嘉客來遊
偶然記雲泉相印太古心松門風起衆山響天籟聲

荅文山琴乾隆五十二年歲在丁未冬十二月北平
翁方綱

按青原志云上石後落永泰年吉州司馬欸寶刻
類編云魯公爲吉州別駕大歷二年十月題此舊
唐書顏真卿傳以誹謗貶硤州別駕撫州湖州刺
史不載吉州別駕之官新傳則云貶硤州別駕改
吉州司馬遷撫湖二州刺史真卿之刺撫州在大
歷三年則改吉州司馬當在二年若永泰年其時
宜初貶硤州未改吉州似寶刻類編較確也惟吉
州別駕或寶刻傳謗當從傳作司馬耳祖之作禮

漢碑多有之孔謙碣禮述家業正與此同司空宗
俱碑禮父司隸校尉筆法大同小異顧藹吉云玉
篇禮與詛同碑以爲祖字孝女曹娥碑其先與周
同禮亦以禮爲祖蓋有自來也然則汪舟次與寺
僧問答之語似亦所見之不廣矣

金石萃編卷九十五

賜進士出身 誥授光祿大夫刑部右侍郎加七級王昶撰

唐 五十五

會善寺戒壇碑

碑高三尺一寸廣約二尺九寸作兩截書上截廿六行行十六字下截廿四行行十字正書在登封河南府登封縣嵩岳□□寺戒壇碑

請抽東都白馬寺僧崇光敬愛寺僧□□同德寺僧重

進 奉國寺僧法□ 香國寺僧從恕惠深安州

龍興寺僧□□

右河南副元師黃門侍郎平章事王縉奏得安國寺

僧乘如狀前件寺戒□□供奉大德一行禪師□故
□壇□□□同律師□□□□殿宇幽閑□□□□
受戒之□□城推叢□□□□墉院荒涼更屬艱
難壇□摧□不有修葺竊愧先賢望抽前件□律僧
七人住持□□有關□填□□建方等道場常講戒
律庶□□聖□國土安寧

中書門下

膝

膝奉

勅宜依膝至准

勅

故膝

大康二年十月十三日膝

中書侍郎平章事元 載

黃門侍郎平章事杜鴻漸

黃門侍郎平章事王 綰

兵部尙書平章事李 使

檢校侍中李 使

中 書 令 使

沙門乘如言伏奉云十月十二日

恩命於河南府登封縣嵩岳□□□常建戒壇兼抽持
律七僧灑掃講律者

湛恩自 天祗荷無地沙門乘如誠歡誠喜載欣載
□□者□□之□戒者萬行之首非絕□岑□□詣茲

□□會善戒壇□□□登其封杳遺塵累躋其□必
□□□比爲碩德湮沉虛迹□毀觀者興黍離之歎□
之增涕殞之悲 陛下駐佛日之傾布堯雲之澤抽僧
灑掃設壇講律雷音永震更呼萬歲之□ 聖壽無
疆彌極九天之峻不任載荷之至謹詣右銀臺門奉表
陳謝以聞沙門乘如誠歡誠喜謹言

大曆二年十一月 日安國寺沙門乘如上表

扶風夫子廟殘碑

碑不全僅存一石高廣俱一尺五
寸許共七十一字正書今在華州
關
司員郎琅邪顏真卿書

國書都官郎中東海徐浩

天地吾知至廣也以其無所不

覆載日月吾知其至明

也以其無所不照臨江海吾知至大也以其無所

不容

納料廣以寸管測

景以尺圭航大以一葦廣不能逃其

數明

不能私其質大不能

亡其險偉哉夫子後天地而

生知天地

之始先天地而沒知天

地之終非日非月光

之所及者遠不江不

海潤之所浸者博三代

禮樂吾知

其損益百王憲章吾知其消息君臣

以位父子以親家

國用

屈鬼神以享道未可詮其有物釋未可證於無生

一以貫之我先師夫子夫子聖人也帝之聖者曰堯王

之聖者曰禹師之聖者曰夫子堯之生有時而息禹之
功有時而窮夫子之道久而彌芳遠而彌光用之者昌
捨之者亡昔否於周今泰於唐不然者何被袞而裳垂
旒而王者哉扶風古縣也在京之西瓊渭之北望標關
輔之首雄壓劇秦之大有財曰袁弁者學吞漢臺賢負
伊鼎文則變雅行乃矩矱其爲政也剛以斷其理身也
柔而立迺大君之清問動賢相之精選貢奉詔旨廓新
祠宇廟閭岑立宮牆鳥趾辟先師於兩楹羅亞聖於十
哲初藹有主院柏分行徂庭自肅入室加敬陳牲牢而
如在間簋豆而無算天下大軍之後也時弊而沒禮域

中小康之前也俗論而述歸尚僞以最兵設義而銷戰
使人從善遠惡而不自知大哉袁氏之子其用心也至
矣邑宰李公才思練達政心和理風聲樹於丕變吐頌
樂而不支縣丞主簿尉等琅璫王畿黍稷公器覽容色
窺相公之明鏡整鬢趣相公之龍門雲霄坐馳鳴躍
可俟浩自帝鄉薄遊鳳翔入境而醉聞佳政告歸而殮
味尤續前尉許贊起予能事春秋之徒如何勿書時大
歷二年某月日記

此文載于唐文粹爲扶風縣文宣王廟記大歷二年
駕部郎中程浩文而今西安府學有僧夢英書此一

記其文正同但去扶風古縣也以下半篇其跋云此
記刊石元在湖州臨安縣夢英愛而書之豈駕部先
作此於扶風魯公又書之於湖州而去其半篇耶又
考唐地里志臨安縣屬杭州不屬湖州得非夢英之
誤耶今華州有此殘碑數十字其文同

金石文字記

此文浩以大歷二年作于扶風魯公會書此于湖州

華州有之非也疑後人偽作

關中金石記

按此碑文五百四十餘字今存者連銜名祇七十
一字文存十之一耳檢唐文粹刻本有此文錄補
成篇文粹載此文題曰扶風縣文宣王廟記撰人

爲程浩今碑題與程浩名俱不存但存顏真卿書
及徐浩名徐浩必是篆額者也唐書地理志扶風
縣屬關內道鳳翔府扶風郡武德二年初置漳川
縣貞觀八年更名扶風然碑又云扶風古縣也在
京之西環渭之北扶風爲貞觀改名不得爲古若
扶風之名莫古于漢卽鳳翔府爲漢右扶風地自
隋以來謂之扶風郡今以縣爲古乃文之失實者
云在京之西謂至德二載號鳳翔府爲西京也顏
真卿結銜存司員郎三字以本傳考之真卿之爲
武部員外郎在天寶初年此後未嘗官員外然此

文末題大歷二年文粹所載要非無據未敢斷以爲誤也程浩無傳可考篆者徐浩碑存其銜曰書都官郎中徐浩傳載浩歷憲部郎中在安祿山反之前則亦是天寶十四載以前之官而未嘗爲都官郎中文盛稱扶風縣尉袁弁貢奉詔旨建文宣王廟奉先師及亞聖十哲像而令丞簿皆牽連及之則興建之功獨在尉矣文云浩自帝鄉薄遊鳳翔則此文專爲扶風縣之文宣王廟而作魯公不應又書之于湖州至湖州之無臨安縣與杭州臨安縣之現無魯公書此碑皆屬夢英之誤記又不

足深論總之此碑文爲程浩作固無可疑其書碑
篆類結銜與作文之年不合當必有傳刻託名之
誤而碑在華州則或是殘石易于轉徙未可知也
義琬禪師墓誌

石高廣皆二尺廿二行行廿
一字正書在洛陽乾元寺

唐故張禪師墓誌銘

并序

香山禪師諱義琬字思靖俗姓董氏河南陽翟人紹嵩
岳會善大安禪師智印法歲廿七世齡五十九開元十
九年七月十九日長天色慘塞樹凝霜頂白方面赤方
右肱枕席左臂垂肱言次寂然奄魂而歸舉體香軟容

華轉鮮感瑞嘉祥具載碑錄師未泥洹先則靈記吾滅
度後世年內有大功臣置寺度遺法居士爲僧卅五年
後焚身留吾菓園待其時也果廿八年有文武朝綱口
國老忠義司徒尙書左僕射朔方大使相國郭公上額
於居士拜首受僧奏塔梵宮勝軌元寺法孫明演授禪
父託葬祖黃金述德於中書令汾陽郡王郭公徹

天請号焚葬借威儀所由檢校大監三年二月汾陽表
曰義琬禪行素高爲智海舟航是釋門龍象心超覺路
遠近歸依身歿道存實資褒異伏望允其所請光彼法
流其月十八日
勅義琬宜賜諡号大演禪師餘

依擇吉辰口月十九日茶毗入塔今冊載無記不從大
禪翁也行慈悲海得王髻珠施惠若春研芳吐翠破邪
寶劍見網皆除業爲學山萬法包納練行凝寂方能動
天塔磨青霄砌下雲起星龕月戶面河背山清淨神靈
庶幾銘曰

行破羣邪 業爲學海 戒月青空 心珠自在

塔面長伊 鈴搖岳風 動天威力 無住無空

碑述中書令汾陽郡王郭公表義琬禪行素高勅賜
諡號大演禪師刻字作脰以艸體爲楷書也

中州金石記

按河南通志乾元寺在河南府城西南三十里魏

時創建昔在伊闕東山之嶺明嘉靖間遷於山麓
碑云法歲廿七世齡五十九法歲猶言僧臘世齡
猶言世壽皆剋見此碑又云頂白方面赤方右肱
枕席左臂垂膝此述禪師示寂之象禪師之榻向
南而設其卧向東頂白方者首在西也面赤方者
面向南也釋氏示寂以右脇爲上故右肱枕席則
其面向外而南是側身而逝也他碑述高僧示寂
但言右脅而已未有若此之詳盡者禪師臨終有
減度後三十年內及三十五年後之語果於二十
八年有相國郭公勝乾元寺大歷三年二月汾陽

表請賜號大寅禪師按禪師以開元十九年示寂
越二十八年爲肅宗乾元二年三十五年爲代宗
永泰二年其云司徒尙書左僕射朔方大使相國
郭公陟乾元寺此郭公卽郭子儀唐書子儀傳是
年畱守東都寺僧殆以額請也至永泰二年則吐
蕃寇醴泉子儀方屯涇陽與吐蕃戰自無暇爲禪
師表請賜號據碑載大歷三年二月汾陽表詞則
距禪師之寂三十八年傳載是年三月子儀還河
中則二月方自涇陽入朝宜有表請之事也碑下
文有四十載無記之語是約畧之詞其實三十八

年正與三十五年後之語合也乾元寺榜題于乾元二年未有此榜以前不知此寺何名通志但云魏時創建不云何寺此碑首云香山禪師豈香山是寺名耶

趙叡冲碑

碑高七尺一寸五分廣三尺八寸十九行行四十二字隸書

唐故同州河西縣丞贈虢州刺史太常卿天水趙公神道碑

并序

尚書兵部郎中安陽邵說撰

左衛率府兵曹參軍集賢殿待詔卿邪王瑀書并

篆額

惟天水趙公諱叡冲公惟隋員外散騎常侍平東將軍
渭源公顯和之靈孫開府儀同三司博州刺史在立之
曾孫 皇朝監察御史君煦之孫琥王府法曹參軍徵
之子自渭源四代咸著清德洎公纂承嘉聞益彰志業
貞簡形儀朗異以孝友謹敬協柔昆弟以義禮誠純接
奉朋交文蔚行茂顯于當世 天后時應明堂大

禮科 上異其對授陝州陝縣尉轉汾州平遙尉器劇
之地以幹敏稱秩滿從調吏部侍郎蕭至忠以公所試
超等授大理評事公迫於祿養請署同州河西丞贊貳

其政叱緝吏肅劇賊遁逋伏姦不興縣六百石郡二千石皆受成仰辨而已道長遲速奄忽遷殂以景雲二年冬十月二旬有一日終于縣館享年五十二及夫人平陽敬氏卒以開元廿四年四月廿一日合祔于虞鄉縣五老原初公寢疾告其二子良器良弼曰吾祖成季宣孟忠勲炳著追漢吏部尚書融晉黃門侍郎繹亦能勦攘寇難捍衛王室二祖皆爲河東守子孫因徙家焉由魏歷隋位與皆昇嗣後仕唐三葉而未登吉祿以吾祖宗之福豐慶演固不當湮抑淪廢意爾曹爾嗣其將必有達人洎公卽世適卅歲而良器官至中書舍人未五

十歲而良弼官至陝華等七州刺史御史中丞浙東嶺南兩道節度使太子賓客

憲宗朝以嗣子參掌

綸誥追贈公撫州刺史夫人平陽郡太夫人

肅宗朝以次子節制方面累贈公太常卿

今聖

踐極嗣孫密邕薰復縱袞等咸擅才業宦成三署竟如公疇昔之所識於戲趙氏再世昌茂克大其門皆號州祇奉先軌貽裕後續仁積訓深之所致也宜其誕受光飾享茲徽章敢篆石立表紀旌風烈銘曰

德積於微業成而彰先時蹇舛靡羨其昌於烈趙公亶惟貞良砥修行學顯茂家邦施子及孫再世以光登

朝就烈佩玉鏘鏘 澤存本根沃潤黃腸有苾遺風久
逾馨香於斯篆刻裕美無疆

大曆四年歲在己酉五月戊辰朔十五日壬午建

按趙叡冲兩唐書無傳換人安陽邵說題銜曰尙
書兵部郎中舊唐書傳說舉進士爲史思明判官
史敗說降于郭子儀累授長安令祕書少監遷吏
部侍郎太子詹事新書文藝傳惟不載侍郎詹事
官餘與舊傳同而皆不云官兵部郎中傳之畧也
書篆者王瑀無攷俾敘叡冲先世云顯和之元孫
世立之曾孫君照之孫徵之子不云高祖某曾祖

某祖某父某也隋唐書亦無諸人傳碑云天后時
應明堂大禮科兩唐書選舉志皆不載此科目天
后之享明堂在永昌元年正月敕沖應舉當在是
年碑云公寢疾告其二子良器良弼曰吾祖成季
宣孟忠勲炳著迨漢吏部尚書融晉黃門侍郎元
亦能勦攘寇難捍衛王室按成季趙衰也宣孟趙
盾也衰字子餘盾衰子字孟諡宣子左傳韓厥言
于晉侯曰成季之勲宣孟之忠而無後爲善者懼
矣碑語本此趙融附見魏書趙逸傳云逸天水人
也十世祖融漢光祿大夫而不言其官吏部尚書

趙元見晉載記晉師伐秦秦將姚洸鎮洛陽部將
趙元說洸固守洸出戰元從之會陽城及成皐滎
陽武牢諸城降元死于陣而不言其官黃門侍郎
皆史之畧也蓋叔冲之先世可攷者如是良器良
弼兩書亦無傳

大證禪師碑

碑高八尺廣三尺九寸三分二十五行
行五十二字正書在登封縣嵩嶽寺後

大唐東京大敬愛寺故大德大證禪師碑銘

并序

金紫光祿大夫門下侍郎平章事 太清太微宮使

崇恩宏文館大學士上柱國齊國公王綰撰

銀青光祿大夫行尚書吏部侍郎集賢殿學士副知
院事上柱國會稽縣開國公徐浩書

體泉湧而獨疾寶炬然而破開蓮花無染而獨淨夜光

不繫而自得其惟上智乎夫上智之身曲隨世界上智
之心密遊聖境或宿植德本乘願復來或意生人間用

示非慧見口孰能知之大德兮雲真姓邊陳留開

封人也歷初為序稟知特異亦既有識用晦如愚家有

耕桑未嘗問鄉有學校未嘗顧則曰處豐屋何如方丈

馳良馬何如振錫珪組耀世不如被褐金玉滿堂不如

虛白食珍者豈觀飢來香積聽樂者豈聞梵唱云何戰

既勝矣出門絕迹潛嵩少間專於讀誦年至二十遂適

太原受聲聞戒習根本律性甚聰敏博涉經論時同學

者仰之為師久而歎曰大聖要道存乎解脫不入其門

非佛之子乃損落枝葉澄清泉源詣長老大照悟迷解

縛開心地如毛頭掃意塵於色界從此日益唯師能知

於四威儀之中無一剎那有息不住以至於大寂無作

以至於恒用我止無所虛空未為廣我照能遍日月未

為明震雷被山閑不聞等烈風拔樹見不見等是主無

主與四大假合方寸無生於一切離相猶以為未出心

量彌勒深入大解所沒又尋廣德大師一見而拱手再

見而分座問之於了答之以默俱詣等妙忽合自他梵

網之行楞伽之心密契久矣廣德又謝學徒嗷嗷相顧

靡依來求於我嗣續前教皆以實歸出宅諸子俾稱所

乘渡河三獸自止於分天寶季年祿山作逆陷我洛陽

亂兵蜂螫大德澹然獨在本處天龍潛衛於左右豺狼

仰瞻而讚嘆施財獻供終朝盈門於善惡等以慈於苦

厄人以忍言說不尋無畏故也動靜皆如自在故也度

衆無邊大願力也依報無量遍種福也夫修行之有宗

旨如水木之有本源始自達摩傳付慧可可傳僧璨璨

傳道信信傳囂忍忍傳大通大通傳大照大照傳廣德

廣德傳大師一一授香一一摩頂相承如嫡密付法印

唯聖智所證非思議能測也大德既捨眷屬竊為沙彌

身不顧名志在成道聲稱浸遠歸依如林天寶八年緇

侶領袖舉以上開乃紫正度初隸東都衛

國寺旋為敬愛寺請充大德遷彼與住此有緣非無因

地雜人天之會法如雲雨之施衆有塵勞之悟寺盈河

潤之福今學與其進當學起其信善誘不倦得師則喜

利往者導之以捷觀奧者辯之以正深在定者戒於貪

悟所覺者使之遠視彼來學如菴摩勒果冀其出世如

優曇鉢花齊我知稀故我貴矣寶應二年正月十四日

跌坐如生薪盡火滅年六十夏十四哀癯門人悲及塵

衆樹爲之變色獸爲之失聲棟折航沉佛土蕭索其年

九月葬於嵩岳寺之北阜大歷二年有司奏諡

上開惻然乃賜號曰大證禪師緇嘗官於登封因

學於大照又與廣德素爲知友大德弟子正順卽十哲

之一也視籍猶父心用感焉以諸因緣爲之強述銘曰

上德不德典慈連悲現於蜀界俯爲人師以

我無思破彼盡思爾方厭俗我則隨時由多

分別妄生垢淨根不緣口像豈染鏡法不可

著空卽是病無得之得絕聖而聖

文字非文字 言語非言語 云何以解脫 云何而
語女 隨宜說方便 究竟非我與 舍利依嵩山
寂寥松柏所

大鑿四年歲次己酉口口二十四日

檢校僧敬愛寺談振 聖善寺僧義辯 安定劉

英模勒 河南屈集臣鶚

碑在嵩嶽寺後欹側荒坡中傳燈錄載達磨傳慧可
可傳僧燦燦傳道信信傳口忍忍傳盧能今碑載忍
傳大通自通以下三傳爲大証摩頂付法然則少林
衣鉢授受六傳入嶺南蓋南宗也傳燈錄載北宗神

秀其門人嵩山普寂立秀師爲六祖云

說嵩

右大證禪師碑真跡剝缺過半行款字數不可數可識者共六百八十八字完全者三百二十五字

金石圖

文苑英華載此碑其文尙可攷年月据寶刻類編全磨滅也述書賦注稱縉爲文筆泉藪是時縉捨財造寺之弊甚矣唐代宗尊重二氏至沙門道士死而賜官賜諡誠可嗤笑碑列縉銜云太清太微宮使崇元宏文館大學士上柱國齊國公劉昫書止云太微宮使其崇元作崇賢無齊國公封號皆當以碑爲正

中州

金石記

按此碑間段磨泐文苑英華載此文今據以錄補
說嵩云碑在嵩嶽寺後欹側荒坡中河南通志嵩
嶽寺在登封縣城西北嵩山之前武則天幸嵩山
常以此爲行宮而不載敬愛寺之所在則敬愛寺
毀廢已久今碑在嵩嶽寺後大抵敬愛寺址當時
與嵩嶽爲鄰矣撰文者王縉字夏卿維之弟河中
人舊唐書傳稱其以文翰著名廣德二年拜黃門
侍郎碑作門下同平章事太微宮使碑有太清宏文崇賢碑作
崇館大學士加上柱國碑有齊國公然碑立于大
歷四年而傳稱三年以縉領幽州盧龍節度尋兼

太原尹北都留守河東節度營田觀察等使皆四年之官而碑無之似撰文尙在四年以前也書者徐浩舊傳稱其代宗朝爲吏部侍郎集賢殿學士新傳不言其官集賢而有會稽縣公之封兩傳互異合之則與碑同也碑云禪師年至二十受聲聞戒捨眷屬爲沙彌天寶八年上聞正度充敬愛寺大德寶應二年正月跌坐而滅年六十夏十四蓋自天寶八年受度至此僅十四年故云夏十四以前爲沙彌者且二十六年也寶應二年七月改元廣德故正月仍稱寶應碑又云縉嘗官于登封因

學于大照又與廣德素爲知友縉傳稱廣德二年
以縉爲侍中持節都統河南淮西山南東道諸節
度行營事兼東都留守碑所云嘗官于登封者當
卽在此時也

逍遙樓三大字

石高九尺六寸廣四尺正書
徑二尺七八寸在廣西臨桂

逍遙樓

大歷五年正月一日顏真卿書

廣賁德政頌

碑連額高九尺七寸六分廣四尺二寸五分十四行
行三十字篆書後有小記二各六行上下截刻上截

行四十一字至三十九字下截二十九字或三十一
三十三字不等並正書額題唐龔丘縣令庾公德政
頌十字篆書
在寧陽縣

荀勗古之良宰之榆元陽之庾公今之
賢百里之龔丘頌之姑蘇口口口口
紀議尚謂庾公之政之吳公之志羣事
口口口口宣靈元口口為經國之理口口口
口口口口擇賢官御吏之宰縣足我自治城
尉驪丘五百石非十何公留之口口口
蘇庾之祖也 明命圖靈禮讓者形
紹所後關土田宣口口口險口口潤

此時雨味爲吏屬於是時磨石繡井問
咸獲三載考績一方歸最 勳□□□
御史清河張公曰昌牧伯上賢也訓俗
勸官勸直沮枉糾職止地類惡□上□
方諧爽氣日暮夏清川上松筠歲寒轉
茂題以正上上目也予羣從上憲□□
予異里聲同歡曰公伯誨上良牧賞其
繡上茂宰空桑公名贊字□明其先□
川乃成周之時也爲堂庑因以命旂公
其爲焉公上考曰鉅嗣德久州形纂

釋文

荀藐古之良宰也榆次碣之庾公今之賢百里也龔丘
頌之姑無口能口口口紀議者謂庾公之政尤矣公初
告羣吏曰昔孝宣憂元二口爲經國致理口口口長迺
擇郎官御史之宰縣邑我自任城尉驟居五百石非才
何以當之折口口口餘疲人祇若明命迺崇禮讓省刑
罰紓力役闢土田宣茲口口口儉口口潤化時雨咏爲
春風於是齊魯丕變井闕咸復三載考績一方歸聚
都口口口御史清河張公曰昌牧伯之賢也訓俗馭官
勸直沮枉迷職之地類能口之口方諸爽氣日暮更清
比之松筠歲寒轉茂題以上下之目出乎羣萃之表口

口千里異聲同歡曰以伯建之良牧賞次孫之茂宰宜
矣公名賁字口明其先口川人成周之時世爲掌庾因
以命族公其胄焉公之考曰欽嗣爲口州別駕王父
曰元汪爲尋陽令曾王父曰師則爲蜀王文學楷模
繼代龜麟接武大觀中邑考彭澗等三十五人以公岐
柔口大咸願刻石褒美申于元戎元戎允答縣人以
陽冰與公周旋備詳德行口之作頌多愧能文辭曰
於穆庾公宰字之良化洽百里風播一方邑老上請
願言頌德元戎嘉之金石迺刻

大觀五年九月三日建

此九字特大書
在碑之第一行

佑之間藝邱庾公德政碑舊矣自唐大歷五年歲在庚戌至今貞元三年乙亥凡三百八十五年善政獨彰芳塵孰嗣而李公之文辭篆字世所貴者佑之到官之初首加詢訪乃於廳事之後糞土中得其口斷壞散亡僅存其半嗟青瑤之沉埋懼磨滅之無日思欲得完本重刻于石未易得也聞邑尉永口趙珣君瑞肯爲尋訪於邑人彭魏家得蓄藏舊紙本一以示佑之詳讀玩味頗慰願見於是藝石命工口刻口記庶乎庾公之德政與李公之辭翰爲不朽云五月一日承務郎兗州龔縣令林棣宋佑之記

有唐庾公嘗宰是邑當時治績昭著而名公若李陽
冰者因邑人之請曰文以頌其實□□旣刻亦庶不
朽不期圯壞其閒廿餘年未遑再立德政□□不絕
如綫縣令宋公下車之初首加詢訪越明年再勒
其碑豈非宋公之爲治有慕於庾公之治邪不
然何以勸課農桑奉公竭節以今較昔不謀而合者
往往皆是歟儒卿謂庾宋之治時雖異而美則同矣
邑人鄒貢進士□□□□

徵事郎主簿孫思

忠武校尉縣尉王景俊

管勾造碑佐史耿□□

碑殘剥僅有其半貞元三年林棣宋佑之來宰是縣
訪得完本於邑人彭龜家重勒諸石今按其文序庾
公名賁字文明其先口川人成周之時世爲掌庾因
以命族公其胄焉公之考曰欽嗣爲光州別駕王父
曰元汪爲尋陽令曾王父曰師則爲蜀王文學又云
大歷中邑老彭滔等三十五人請於元戎云云然則
當日彭滔之立頌石竟未上於朝也劉夢得高陵令
劉君遺愛頌載寶應詔書凡以政績將立碑者具所
紀之文上尙書考功有司考其詞宜有紀者乃奏今
碑稱請於元戎及縣人以陽冰與公周旋備詳德行

口之作頌豈此時節度此方者宜可以專擅固不必待朝命耶書之亦以考世變焉文內有攷字與弔相連說文攷撫也從支亾聲讀與撫同此下一字存其上半弔是爲柔字撫柔蓋稱其惠于斯民也

授堂金石跋

此碑建於唐大歷五年至金貞元三年龔縣令宋佑之以舊本重摹於石佑之自爲記竝卜儒卿後跋刻於碑之左方碑文下載每行泐去三五字餘俱可辨黃小松司馬云碑陰尙有金貞元間給事郎守令于象及典史單文等名未有拓本

山左金石志

按此碑無撰書人姓名文云縣人以陽冰與公周

旋云云宋佑之記亦云李公之文辭篆字世所貴者則撰書皆陽冰爲之也山東通志冀邱本漢寧陽縣地北齊置平原縣隋以縣東南二十里有冀邱城更名宋大觀四年避宣聖諱祇稱冀縣金大定二十九年避顯宗諱復改爲寧陽元明以來因之此碑重刻于金貞元三年其時未改寧陽故宋佑之記自稱冀縣令也碑云都口口口御史清河張公曰昌牧伯之賢也訓俗馭官勸直沮枉題以上下之目出乎羣萃之表云云玩其文義似與唐正道清德碑相同中宗神龍二年勅內外五品以

上充十道巡察使廉按州郡其時正道爲滎陽縣
令衛州司馬路敬潛爲河南道巡察使以正道政
術尤異奏聞中宗降勅褒美識法師爲之立碑頌
清德此碑似係御史張曰昌爲巡察使品定庾公
政績邑老彭涖等三十五人刻石褒美所謂題以
上下之日者猶言上考下考庾公治居上考也特
是碑但言申于元戎元戎允答而無奏聞之明文
故不聞朝廷有勅旨如盧正道耳碑云公名責其
先曰川人勛一字乃潁川也廣韻云庾出潁川新
野二望碑又云成周之時世爲掌庾因以命族公

其胄焉通志氏族畧庾氏堯時掌庾大夫以官命氏至春秋時周有大夫庾皮皮子過邑于緱氏然則碑以爲成周掌庾者傳訛也碑敘其先世曰考欽嗣王父元汪曾王父師則史皆無傳碑中用字如荀藐之荀松筠之筠皆新附字荀當作郇徐鉉云今人姓荀氏本郇侯之後宜用郇字筠當作緇嘉定錢君大昭云周禮考工記梓人上綱與下綱出舌綵緇寸焉鄭司農注緇籠網者讀爲竹中皮之緇緇持綱紐也此卽古筠字又說文莫日且冥也从日在𠂔中碑書作暮从兩日俗字也緇續也

从糸豎一曰反纘爲繼案繼古文絕字繼字从反
絕爲義碑竟从繼亦誤凡碑誌之例多自高曾順
下此則自考上溯曾祖又一例也庾公資史亦無
傳碑題建立年月在文前一行字較文特大亦他
碑所未有

臧懷恪碑

碑高一丈一尺一寸廣五尺四分共二十八行
行字自五十八至六十四不等正書在三原縣

唐故右武衛將軍贈工部尚書上柱國上蔡縣開國侯

臧公神道碑銘

并序

金紫光祿大夫行撫州刺史上柱國魯郡開國公顏

真卿撰并書

翰林 待詔光祿卿李秀巖題額

公諱懷恪字貞節東莞人其先出于魯孝公之子彊字子臧大夫不得祖諸侯其孫以王父字爲氏僖哀二伯既納忠於魚鼎文武兩仲亦不朽於言哲丈人成功而遁迹子原抗節而捨生義和辭金飾之器榮緒奮陽秋之筆賢達繼軌紛綸至今曾祖滿隋驃騎將軍祖龍

皇通議大夫靈州都督府長史父德朝散大夫贈銀州刺史咸務遠圖克開厥後恤廢之慶世祀宜哉公卽銀州之第三子也身長六尺一寸眉目雄朗鬚髯灑秀雅

善騎射尤工尺牘沉靜少言寬仁得衆奇謀冲邁英勇
冠倫友于弟兄謹介鄉黨每敦詩而執禮不茹柔以吐
剛莅事而剖判泉流臨戎而智畧鋒起古所謂文武不
墜高明有融者焉少以勲勞亟紆戎級開元初嘗遊平
盧屬奚室韋大下公挺身與戰所向摧靡繇是發名

肅宗聞而嘉之拜勝州都督府長史銳精佐理絜矩
當官朔漠不空邊隅用又俄拜左衛率府左郎將轉右
領軍中郎將兼安北都護中受降城使朔方五城都知
征馬使戎事齊足十萬維羣我伐用張軍威以肅由是
深爲節度使王晙所器奏充都知兵馬使嘗以百五十

騎遇突厥斬馘八部落十萬餘衆於狼頭山殺其數百人引身據高環馬禦外虜矢如雨公徒且殲遽而紿之曰我爲城懷恪

勅令和汝何得與我拒戰平時僕固懷恩父設支適在其中獨遮護之諸部落持疑不肯公判羊以盟之仗義以責之衆皆感激由此獲免遂與設支部落二千帳來歸後充河西軍前將盤禾安氏有馬千疇怙富不虔一族三人立皆毆斃軍州悚慄疇敢不祇仰爲節使相國蕭嵩所賞後充河源軍使兼隴右節度副大使關西兵馬使拜右武衛將軍吐蕃不敢東向者累季俄封上蔡縣開國侯開元十二季歲次甲子

春二月廿有六日薨于鄴城之官舍享年五十六其季
八月廿三日 詔曰故具官公頃以幹能亟承任使操
行逾謹勞効未酬不幸遷殂良增追悼可贈右領軍衛
大將軍卽以其季冬十月庚戌遷窆于京兆府三原縣
北原禮也嗚呼公兄左羽林軍大將軍平盧副持節懷
亮以方虎之材膺爪牙之任孔懷斯切致美則深七子
游擊將軍崇仁府折衝希崇豐州別駕贈宋州刺史希
祖左武衛將軍朔方節度副使贈太子賓客希忱右衛
左郎將劔南討擊副使贈汝州刺史希愔右驍衛郎將
靜邊軍使贈祕書監希景寧州刺史左金吾衛將軍贈

楊州大都督希晏開府儀同三司行太子詹事兼御史大夫邠寧山南觀察使集賢待制工部尚書渭北節度使魯國公希讓等夙漸詩禮恭承教義芬潤挺蘭玉之姿英威轡虓鬪之質而希讓識度鑒遠器謀沉邃仁親以孝殿國以忠綽裕冠於人倫勲勞懋於王室至德中今上爲元帥東伐肇允押牙從收兩京陟降左右入侍帷幄旣崇翼戴之功出擁麾幢載叶澄清之寄加以篤睦羣從紉綬宗族吉凶贈恤終始無渝行道之人孰不嗟尙肅宗以公有謀翼之勤乾元三季春三月贈魏州刺史寶應元年冬十月又贈太常卿廣

德元季冬十月，詔曰：孝以立身，可揚名於後代；忠能事主，故追榮而及親。開府儀同三司兼御史大夫元帥都虞候魯國公臧希讓亡父贈太常卿懷恪業茂勲賢，地華簪紱，佩忠信而行己，包禮樂以資身，守節安卑，幽貞自處，養蒙全正，聲利不營，雖與善無徵，促齡悲於逝晷，而積善垂裕，餘慶光於後昆，故得業濟艱難，功參締構，出有藩條之寄，入多爪牙之任，位以德遷，禮宜加等。父由子賢，贈合超倫，宜登八座之榮，式慰九原之路。又贈工部尚書，褒異之典，於斯爲盛。臧氏自驃騎而下世，以材雄朔陞，尚書旣還，特以功林當代，兄弟子姓勲賢。

開出自天寶。鉅子開元乘朱輪而拖珪組者數百人。迨于今茲。繁衍彌熾。綰軍州而握兵要者。相望國都有後之慶。固殊異于他族者矣。真卿早歲與公兄子謙爲田蘇之游。敦伯仲之契。晚從大夫之後。每接嘗寮之歡。故公之世家竊備聞見。敢述遺烈。將無媿辭。銘曰。

魯史衰者。臧孫有之。陳奐則諫納鼎以規歿。賢言立時。稱聖爲仁。昭典墳。智叶蒼龜。世濟忠肅。口光羽儀。以至夫公。英明雄毅。鸚視騰彩。龍驤作氣。鋒淬霜棱。妙窮金匱。謀猷泉寫。翰墨風駛。儒勇是兼。勲庸以位。介馳戎馬。猛奮號虎。絕漠援孤。連兵戰苦。萬虜鳴鏑。紛紛如雨。一

身抗詞謬謬連拄精貫雲日氣雄鉦鼓狄人義激僕固
誠全眇湯窮裔隨降幾千野靜沙雪風恬塞煙我騎如
雲我旗連天牧無南向凱有北全 天子休之命侯開
國謂福而壽康衢騁力奚命之邇幽肩是卽十城玉折
萬里鵬息陣雲蒼蒼日暮無色令人趨奉 天眷孔明
九原不作八座哀榮勇列徽範芳時懿名里成冠蓋族
茂簪纓萬古千祀瞻言涕零

臧懷恪碑顏魯公篆并書懷恪再爲王峻蕭嵩兵馬
使積官右武衛將軍封上蔡縣侯三贈而至工部尙
書則以子希讓貴故也兄懷亮至左羽林大將軍懷

格有子七人咸顯而希讓至尙書節度使魯國公碑
稱兄弟子姓勛賢間出自天寶距于開元乘朱輪而
拖珪組者數百人而唐史不爲立傳故聊載之書法
偉勁不減家廟茅山而石完不泐尤可喜也金石錄
又載韓擇木書第三子太子賓客希恍碑及希晏碑
以韓秀弼書之希讓胄子也而能爲不朽計乃爾誠
有過人者矣

金州山人稿

尙書墓在陝西之三原縣顏公此刻人間少傳予向
以使事道陝得之尙書七子皆爲顯官而希讓至魯
國公顏公文集復有臧氏糾宗碑書七子官與此不

同金鑑
琳瑯

右贈工部尙書臧懷恪碑不見立碑年月趙氏金石錄以爲大歷中立顧氏金石文字記據碑文載廣德元年十月贈官詔書因系之廣德元年予以魯公署銜證之而知德甫爲可信也魯公麻姑仙壇記云大歷三年眞卿刺撫州具撰李含光碑云大歷六年眞卿罷判臨川旋舟建鄴今此碑題金紫光祿大夫行撫州刺史上柱國魯郡開國公則必在大歷三年以後矣寶刻類編以爲開元十二年立則但據其卒之年月并未讀其全文尤爲疏舛

潛研堂金石文跋尾

碑云開元初嘗遊平盧屬奚室韋大下公挺身與戰所向摧靡新唐書室韋傳惟載開元天寶間凡十朝獻其後貞元四年與奚共寇乃見于傳證之碑則開元初已內侵而史蓋失錄又碑下文遇突厥斬噶八部落十萬餘衆于狼頭山今檢突厥部落無此名通鑑聖歷九年九月改默啞爲斬噶當時武后憤其偏疆故漫爲此號而魯公亦襲用之然懷恪應變給敵功不爲細乃卒不附突厥本傳亦其疎也又所云僕固懷恩父設支適在其中獨身遮之由此獲免遂與設支部落二千帳來歸案之唐書皆不合傳載懷恩鐵勒部人則懷恩父亦舊屬鐵勒矣又云乙

李嶷生懷恩世襲都督則傳言父蓋名乙李嶷今碑
乃云懷恩父設支則又名設支矣至云與設支部落
二千帳來歸設支又自有部落及開元初來歸始爲
唐臣亦非世襲都督者疑此數事史文皆未悉並當
以碑爲據且足補突厥室韋二傳之闕則是碑之傳
益可寶也

授堂金石跋

按此碑無年月以撰書之顏真卿結銜考之碑題
行撫州刺史魯郡開國公新唐書真卿傳代宗立
起爲利州刺史不拜再遷吏部侍郎除荆南節度
使未行改尚書右丞帝自陝還真卿請先謁陵廟

宰相元載以爲迂俄以檢校刑部尙書爲朔方行營宣慰使未行畱知省事更封魯郡公時載多引私黨真卿上疏載以爲誹謗貶硤州別駕改吉州別駕遷撫湖二州刺史載誅楊綰薦之擢刑部尙書進吏部

舊傳畧同

帝自陝還者代宗本紀廣德元年

十月庚午吐蕃陷邠州辛未寇奉天武功京師戒嚴丙子如陝州戊寅吐蕃陷京師十二月甲午至自陝州是也元載爲宰相乃寶應元年建辰月之事元載之誅乃大歷十二年事真卿之爲撫州刺史傳雖不詳何年玩其敘次在載誅之前据麻姑

仙壇記大歷三年已刺撫州則不出三年至十二

年矣

集古錄目載顏真卿乞御書放生池碑額表碑并碑陰記大歷中真卿爲湖州刺史建于

州之路駢橋東以大歷九年立據此則真卿今據之刺湖州在九年其刺撫州又在九年之前

其子希晏大歷五年立碑則此碑必與同時所立

因列于其前碑載懷恪以開元十二年二月薨十

月窆乾元三年贈魏州刺史寶應元年贈太常卿

廣德元年贈工部尚書自是又踰數年而後立碑

蓋距其薨四十餘年矣碑云祖寵父德据魯公文

集東莞臧氏紉宗碑銘祖寵與此同而父作善德

金薤琳琅載此碑父善德與紉宗同而祖作君寵

蓋金薤訛也碑云新啜八部落又云僕固懷恩父

設支

金薤琳瑯訛作設之

新唐書僕固懷恩傳父乙李啜舊

書傳作乙李啜拔似新書脫一拔字啜拔卽碑云

啜八部落之名至碑所稱設支雖無可攷然以

其爲部落之名亦可無疑以臆度之猶漢時郅支

之遺也疑懷恩之父本未有名卽以部落爲名故

啜拔設支皆可隨稱而乙李啜拔又蕃語繁簡之

不同也乳宗碑載懷恪有兩兄懷慶懷亮而懷慶

已書贈官是已先卒故碑但書懷亮碑書懷恪七

子官與乳宗碑不同者長希崇游擊將軍崇仁府

折衝紇宗作右衛中郎將贈口州刺史次希昶與
碑同次希忱以下贈官俱同所不同者希忱左武
衛將軍朔方節度副使紇宗作左驍衛中郎將次
希愔右衛左郎將劍南討擊副使紇宗作忠武將
軍次希景右驍衛郎將靜邊軍使紇宗作左威衛
中郎將次希晏紇宗贈左衛使餘同次希讓紇宗
但書魯國公不書官位前六子皆有贈官則立碑
時皆已先卒惟希讓在矣碑云真卿早歲與公兄
子謙敦伯仲之契所謂兄子謙者不知是兄字子
謙抑或是兄子名謙據紇宗碑懷恪兩兄旣無子

謙之稱懷慶五子希古希真希實希肫希逸懷亮
五子敬廉希莊敬之讓之敬此此疑有訛亦無謙名再
据碑懷恪以開元十二年卒年五十六其生在總
章二年則其兩兄當生于龍朔麟德之間史稱真
卿以興元元年卒年七十七其生在景龍二年少
于懷恪兩兄之年四十餘則早歲所與敦契者爲
兄子無疑特不知謙爲何人之原名耳真卿撰此
碑當與紉宗碑同時而文有不同者如此所未詳
也

臧希晏碑

碑高九尺四寸五分廣四尺五寸六分
二十四行行四十九字隸書在三原縣

口唐故金紫光祿大夫左金吾衛將軍口口州大都督
臧府君神道碑銘并序

銀青光祿大夫行兵口侍郎上柱國清河郡口口口
張孚撰

朝議郎守衛尉少卿淮陽縣開國男賜緋魚袋韓秀
弼書

有唐廣德二年八月五日朔左金吾衛將軍臧公薨于
口口安邑里之私第享年五十有三大喪五年十月十
五日葬于三原縣長塋鄉禮也公諱希晏字恭靖先封

受氏奔葉重光僖伯諫魚哀伯諫鼎文仲立德武仲立
言傳慶□□□之□□□□□□之際子孫有後大庇
生靈述職因官今爲京兆人也曾祖君寵通議大夫靈
州長史祖善德銀青光祿大夫銀州刺史贈太子少師
父懷恪右領軍衛將軍魏州刺史上蔡侯贈工部尙書
重世將門一時人傑光臨舊圖非驚於守口繼登列郡
載美於口口應社白茅式旌餘烈爵明朝也握五兵之
要漏幽泉也追八座之尊禮備口榮

澤覃存歿

名器之重今古無儔而高門榮戟前庭鍾鼎谷量千駟
之馬竊滿萬金之裝三武邁賈氏諸昆八元口高陽才

子公□□□節長標雅操用武則武可畏學文則文足
昭懋爲珪璋脩拾青紫常以爲千戶侯力可取萬人敵
才之餘□藝總九流射穿□札長纓係頸於閩越□兵
斷□於匈奴開元理兵之歲塵飛碣石烽照甘泉盧龍
北隴胡馬南牧克貞師律□□親賢

天子

御正陽前殿乃命禮部尙書信安郡王建牙璋擁金節
控弦廿萬以專征之六郡良家公爲特□而□征□□
□□□□公以爲楊雄執戟阮籍步兵千古同□□無
慙色其後出右地窮河源收堅城拔高壘戰勝攻取左
旋右抽合變出奇智□□遇以□功業遷至衛尉少卿

尋加口受降城使河曲之間威聲載路屬三水之地五
載未巡公侯腹心受委而拜遂以公爲口口皇城使遷
左監門將軍兼麟州刺史無何轉慶州刺史去思來暮
行古之道特拜太僕卿兼寧州刺史夫漢宣共理所以
寄口侯也口口以寧是川谷多口也故佩中朝之印蹇
外臺之帷抑有由矣屬親征振旅薄伐弔人駐蹕而
萬姓來蘇迎鑒而百神望幸由是口其列

郡口爲行宮鎮六龍之旂儀雙鳳之闕擇能作牧匪易
其人以政理殊尤拜主金吾衛將軍左街使任切爪牙
寄崇心膂口利功業亞夫口名方欲鑿出師之門分制

軍之間未加明命忽聞幽泉故老泣於邊疆賢臣愴於
冠劍將星夜落陣雲朝起凜然餘勇千載猶生故夫人
贈燕國夫人劉氏百代舊封五公貽慶嬪則彰美姆訓
番芳生前已飾其口并歿後更封於石窠先公□□合
祔同歸公之季弟希讓御史大夫工部尙書渭北節度
贈太子太師往與公更執金吾同□□王肅儀貌陳
平智謀雄憲臺之一□□長城之萬里因心則友義切
天倫嗣子睦王府長史叔獻次子郢州別駕叔雅季子
河南府河清縣主簿叔清樂樂□□攀號岡極羔柴泣
血曾參絕漿喪過乎哀行過於禮敬承副相之託式紀

冠軍之銘銘曰

臧孫有後千古立程才爲將畧道實人英出入三代光
□百城□□之□□□之□□□□□□定領□□
□□□□嘉名□□父子□□弟兄高碑之上□紀忠
□

按寶刻叢編載諸道石刻錄有唐贈楊州都督臧希
晏碑云唐張孚撰韓秀弼八分書大歷五年立在三
原今碑不見贈楊州都督事亦無大歷五年字或皆
在所缺處葬于廣德而建碑于大歷年亦不遠也
希晏爲懷恪子兄弟七人皆貴顯懷恪碑爲魯書甚

傳于時金石錄載臧氏墓碑凡三金石畧載韓秀弼
所書碑凡四而俱不及此何也碑雖斷缺然名字世
系歲月功勛及夫人嗣子俱尙可見亦異于泯滅失
傳者矣

金石存

按臧希晏爲懷恪第六子

舟州山人稟誤作長子

碑題□□

州大都督勛二字据懷恪碑是贈揚州也撰文者
張孚字可辨蓋與曹倦圃先生藏本同爲佳搨
矣張孚及書人韓秀弼史皆無傳古今碑帖考載
韓秀弼秀實秀榮三人云並以八分擅名又俱同
時必其兄弟諸書皆無可攷墨池編載秀弼所書

碑有六曰元待聘碑李齊物碑鄭叔清碑裴曠改
葬碑鎮國公李元亮功德頌李晟先廟碑並八分
書而不及此碑弇州山人稟則載此碑云廣德二
年書是亦未細閱全文也碑稱曾祖君寵祖善德
與懷恪碑不同又稱父懷恪右領軍衛將軍魏州
刺史贈工部尚書亦與懷恪碑異碑云開元理兵
之歲命禮部尚書信安郡王控弦廿萬以專征之
此卽開元二十年正月信安郡王祿爲河東河北
道行軍副元帥伐奚契丹事詳見白道生碑跋中
碑云屬親征振旅薄伐弇人此指肅宗靈武時事

顏魯公撰臧氏紉宗碑懷恪七子書贈官者六人
惟希讓不書贈官蓋其時希讓在也此碑則云希
讓贈太子太師則亦卒矣希晏三子叔獻叔雅叔
清其官位與紉宗碑不同碑云叔獻睦王府長史
紉宗云朝散明州長史碑云叔雅郢州別駕紉宗
云朝散洋州司馬碑云叔清河清縣主簿紉宗云
京兆府參軍蓋紉宗與此碑有建立前後之不同
也

金石萃編卷九十五終